

16 IUNIE
RUGACIUNEA
SF. CUVIOS
MOISE PUTILOV DE LA OPTINA

Молитва

О, Преподобне отче Моисее, киновии Оптинския возродителю и Скита Предтеченскаго строителю! Ты от юности твоея Христу последовал еси и в дебрех Рославльских непрестанною молитвою Ему усердно послужил еси. Послежде Промыслом Божиим призван был еси крест игуменскаго служения в Оптинстей пустыни понести, идеже ангелоподобное общежитие насадил еси и безмолвный Скит устроил еси, из негоже яко от чертога Оптинское старчество землю нашу зарею благочестия осияло суть.

Сего ради просим тя, яко верна домоправителя строения Христова и богомудраго пастыря словеснаго стада: утолити раздоры в нас сущия и на стези единомыслия наставить слепотствующии умы наша. Приведи нас на злачныя поля святоотеческих преданий и чистою водою умиления напой жаждущия

души наша. Вдохни в нас силу благочестия
свыше к подвигу, еже последовати твоему
житию богоугодному, да отрешившися страстей,
союзом любви свя□зании, тобою приведени
будем к Пастыреначальнику Христу, Ему же
честь и поклонение возсылаем со Безначальным
Его Отцем и Пресвятым и Благим
и Животворящим Его Духом ныне и присно и во
веки веков. Аминь.